



Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), a u vezi sa članom 15. stav 1. Zakona o mladima Federacije BiH („Službene novine Federacije BiH“, broj 36/10), člana 69. Statuta Općine Centar Sarajevo („Službene novine Kantona Sarajevo“, broj 23/04), Općinski načelnik donosi

**PRAVILNIK O FORMIRANJU I VOĐENJU SPISKA OMLADINSKIH
UDRUŽENJA NA PODRUČJU OPĆINE CENTAR SARAJEVO**

DIO PRVI – OPĆE ODREDBE

POGLAVLJE I – PREDMET PRAVILNIKA

Član 1.

(Predmet)

Pravilnikom o formiranju i vođenju spiska omladinskih udruženja na području Općine Centar (u daljem tekstu: Pravilnik) propisuju se postupak i način upisa u spisak omladinskih udruženja i neformalnih grupa mladih koja imaju sjedište ili registriran ured na području Općine Centar (u daljem tekstu: Općina), način podnošenja zahtjeva za upis u spisak omladinskih udruženja i neformalnih grupa mladih, potrebni obrasci te druga pitanja od značaja za vođenje spiska omladinskih udruženja u skladu sa Zakonom o mladima Federacije BiH (u daljem tekstu: Zakon).

Član 2.

(Vođenje spiska)

Formiranje i vođenje spiska omladinskih udruženja (u daljem tekstu: Spisak) na području Općine obuhvata prikupljanje, obradu i ažuriranje podataka kako je propisano ovim Pravilnikom.

Član 3.

(Status omladinskog udruženja)

Udruženja koja ispunjavaju utvrđene kriterije upisuju se u Spisak omladinskih udruženja Općine Centar Sarajevo.

Član 4.

(Mladi)

„Omladina“ ili „mladi“ su osobe u životnoj dobi od navršениh 15 do navršениh 30 godina starosti.

POGLAVLJE II - DEFINICIJE

Član 5.

(Omladinsko udruženje)

(1) "Omladinsko udruženje", prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registira, djeluje i prestaje postojati u skladu sa zakonom na osnovu kojeg je registrirano.

(2) Međunarodna udruženja koja nisu registrirana i u Bosni i Hercegovini ne mogu dobiti status omladinskog udruženja.

Član 6.

(Neformalna grupa mladih)

(1) "Neformalna grupa mladih" jeste grupa čije dvije trećine članova čine mladi ljudi koji imaju prebivalište na području Općine i čije su aktivnosti podržane od strane Općine.

(2) Neformalne grupe mladih trebaju imati administrativnu podršku nekog omladinskog udruženja sa područja Općine.

POGLAVLJE III – NADLEŽNOST I OBAVEZE

Član 7.

(Nadležna općinska služba)

(1) Općinska služba u čiji djelokrug rada spada obrazovanje, kultura i sport nadležna je za formiranje i vođenje spiska omladinskih udruženja (u daljem tekstu: Služba)

(2) Služba će formirati i voditi spisak omladinskih udruženja iz razloga transparentnosti, saradnje, podrške, koordinacije i partnerstva.

(3) Služba će voditi spisak neformalnih grupa mladih čije su aktivnosti podržane od Općine.

(4) Služba će jednom godišnje vršiti ažuriranje Spiska omladinskih udruženja.

Član 8.

(Obaveze omladinskih udruženja)

(1) Omladinska udruženja koja žele predlagati projekte za mlade ili biti član Vijeća mladih Općine dužna su se upisati u spisak omladinskih udruženja.

(2) Omladinsko udruženje upisano u spisak omladinskih udruženja Općine dužno je

- a) uputiti poziv Službi za prisustvo izvještajnim i izbornim skupštinama udruženja
- b) Službi dostaviti zapisnik sa svake izborne skupštine sa spisakom članova organa upravljanja i članova omladinskog udruženja sa datumima rođenja istih.
- c) dostaviti Službi do 28. februara tekuće godine godišnji izvještaj o radu za prošlu kalendarsku godinu.

(4) Omladinsko udruženje kojem su dodjeljena budžetska sredstva Općine iz granta za omladinske projekte dužno je podnijeti pisani izvještaj Službi o namjenskom trošenju budžetskih sredstava u roku od 30 dana od dana utroška ovih sredstava ili najkasnije do 31.12. tekuće godine.

(5) Na zahtjev Službe dužno je dostaviti dokaze o ispunjavanju uslova u vezi statusa omladinskog udruženja.

DIO DRUGI – ZAHTJEV I OBRASCI

POGLAVLJE I – ZAHTJEV ZA UPIS U SPISAK

Član 9.

(Podnošenje zahtjeva za upis u spisak)

(1) Zahtjev za upis u Spisak podnosi se Službi sa potrebnom dokumentacijom, nakon upisa udruženja u registar koji vodi nadležno ministarstvo pravde a na osnovu raspisanog javnog poziva za upis omladinskih udruženja (obrazac 1) u Registar omladinskih udruženja Općine Centar Sarajevo.

(2) Zahtjev za upis potpisuje osoba ovlaštena za zastupanje i predstavljanje omladinskog udruženja.

(3) Zahtjev se, prema vrsti podataka koji se unose, sastoji od tri dijela, i to:

- a) podaci o omladinskom udruženju,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

(4) Zahtjev i dokumentacija iz Pravilnika podnose se Službi u jednom primjerku, i to na obrascu 1.

(5) Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Član 10.

(Zahtjev za upis u spisak i prilozi)

(1) Uz zahtjev iz člana 9. stav (1) za upis u Spisak prilažu se:

- Rješenje o registraciji udruženja
- Osnivački akti udruženja
- Statut udruženja

(2) Prilozi se podnose Službi skenirani putem službenog maila označenog u javnom pozivu.

POGLAVJE II – OBRASCI I SADRŽAJ OBRASCA

Član 11.

(Obrasci)

(1) Sastavni dio ovog Pravilnika su slijedeći obrasci:

- a) Zahtjev za upis u općinski spisak omladinskih udruženja (obrazac 1)
- b) Izjava o saglasnosti za korištenje podataka udruženja (obrazac 2)
- c) Upisni list (obrazac 3)
- d) Evidencija omladinskih udruženja sa sjedištem na području Općine (obrazac 4)
- e) Zahtjev za izdavanje uvjerenja (obrazac 5)
- f) Uvjerenje (obrazac 6)

(2) Obrasci se popunjavaju na računaru na jednom od službenih jezika koja su u upotrebi u Bosni i Hercegovini.

Član 12.

(Sadržaj obrasca)

(1) Zahtjev za upis u Spisak Općine prema vrsti podataka koji se unose sastoji se od tri dijela, i to:

- a) Podaci o omladinskom udruženju,
- b) Podaci o osobama ovlaštenim za zastupanje i predstavljanje
- c) Podaci o upravnom odboru i skupštini.

(2) Izjava o saglasnosti za korištenje podataka udruženju sastoji se iz dva dijela, i to:

- a) Podataka za koje se daje saglasnost da se javno upotrebljavaju i objavljuju,
- b) Podataka za čije je javno korištenje potrebno pribaviti prethodnu saglasnost omladinskog udruženja.

(3) U Upisni list upisuju: se naziv i skraćeni naziv omladinskog udruženja, sjedište i kontakti, broj i datum zahtjeva upisa u spisak, redni broj zahtjeva, upisni broj i datum upisa, datum osnivanja, nadležni organ kod koga je registrirano udruženje, broj i datum akta o upisu u registar, jedinstveni identifikacioni broj, ime i prezime ovlaštenih osoba za zastupanje i predstavljanje udruženja sa kontaktima, područje djelovanja, ciljevi osnivanja, članstvo u asocijacijama omladinskih ili drugih udruženja, napomena te konstatacija o ispunjavanju uslova za upis u Spisak.

(4) Evidencija omladinskih udruženja sa sjedištem na području Općine sadrži slijedeće rubrike: redni broj, naziv i skraćeni naziv omladinskog udruženja, upisni broj, datum upisa, adresa sjedišta, odgovorne osobe u udruženju i kontakti.

(5) Zahtjev za izdavanje uvjerenja sadrži upute o načinu podnošenja i mogućem sadržaju istog.

(6) Uvjerenje, pored dijelovakoji karakterišu javnu upravu, obavezno sadrži slijedeće podatke: naziv i sjedište omladinskog udruženja, datum upisa i upisni broj.

POGLAVLJE III – ODLUKA I OBAVIJEST O ODLUCI

Član 13.

(Donošenje odluke)

- (1) Ako je zahtjev uredan i ako su ispunjeni svi uvjeti predviđeni Zakonom i ovim Pravilnikom, omladinsko udruženje će biti upisano u Spisak.
- (2) Ako zahtjev subjekta upisa ne ispunjava uslove propisane zakonom i ovim pravilnikom ili ako zahtjev nije uredan i potpun, Služba će pozvati podnosioca da zahtjev dopuni i odrediti će rok za dopunu koji ne može biti kraći od 30 dana od dana prijema zahtjeva.
- (3) Ako subjekt upisa ne otkloni nedostatke u ostavljenom roku, Služba će odbaciti zahtjev.

Član 14.

(Obavijest o odluci)

- (1) Služba će omladinsko udruženje koje je upisano u Spisak posebnim aktom obavijestiti da se stekao status omladinskog udruženja Općine pri čemu će ga obavezno upoznati sa odredbama člana 7. i član 8. ovog Pravilnika.
- (2) Služba će omladinsko udruženje koje ne ispunjava uslove za upis u spisak posebnim aktom obavijestiti o razlozima donošenja.

DIO TREĆI

POGLAVLJE I – SADRŽAJ I JAVNOST SPISKA

Član 15.

(Upisni list)

- (1) Spisak se sastoji od upisnih listova.
- (2) Sadržaj upisnog lista utvrđen je članom 12. stav (3) ovog pravilnika (obrazac 3).

Član 16.

(Evidencija)

Udruženja koja su stekla status omladinskog udruženja Općine evidentiraju se hronološkim redom u skladu sa članom 12. stav (4) ovog pravilnika (obrazac 4).

Član 17.

(Upisni broj)

Upisni broj omladinskog udruženja je broj koji se dodjeljuje omladinskom udruženju prilikom upisa. Jednom dodijeljen upisni broj se ne mijenja, niti se nakon prestanka rada omladinskog udruženja dodjeljuje nekom drugom omladinskom udruženju.

(1) Spisak omladinskih udruženja je javan i objavljuje se na web stranici Općine.
(2) Svako lice ima pravo uvida u podatke upisane u spisak omladinskih udruženja u skladu sa Zakonom o slobodi pristupa informacijama, Zakonom o zaštiti podataka i odredbama ovog pravilnika.

POGLAVLJE II – ZBIRKA ISPRAVA

Član 19.

(Vodenje zbirke isprava)

Zbirka isprava u pisanom obliku vodi se za svako omladinsko udruženje u spisku omladinskog udruženja.

Član 20.

(Sadržaj zbirke isprava)

(1) Zbirka isprava sadrži: popunjen zahtjev za upis u spisak (obrazac 1), osnivački akt udruženja, statut udruženja, rješenje o registraciji udruženja, podatke o osnivaču (obrazac 1), popis članova i organa upravljanja (obrazac 1), predstavljanja omladinskog udruženja (obrazac 1), spisak lica ovlaštenih za zastupanje i predstavljanje (obrazac 1), izjava o saglasnosti za korištenje podataka udruženja (obrazac 2), upisni list (obrazac 3) i druge dokumente, uvjerenja, izvještaje, zapisnike i sl.

(2) Zbirka isprava propisana pravilnikom čuva se trajno.

Član 21.

(Izdavanje uvjerenja)

Služba, po podnesenom zahtjevu, izdaje uvjerenje omladinskom udruženju kao dokaz za upis u Spisak.

POGLAVLJE III – POSTUPAK BRISANJA IZ SPISKA

Član 22.

(Brisanje iz spiska omladinskog udruženja)

(1) Iz spiska se briše omladinsko udruženje ako:

- a) se briše iz registra nadležnog ministarstva pravde,
- b) podnese zahtjev za brisanje iz spiska omladinskog udruženja Općine,
- c) ne ispunjava obaveze iz člana 8. stav (2) ovog pravilnika
- d) ako udruženje prestane biti omladinsko udruženje u skladu sa Zakonom,

(2) Kada Služba utvrdi postojanje jedne od činjenica iz stava (1) ovog člana donosi odluku o brisanju omladinskog udruženja iz spiska omladinskih udruženja Općine.

DIO ČETVRTI – PRIJELAZNE I ZAVRŠNE ODREDBE

Član 23.

(Dostupnost Pravilnika)

Ovaj pravilnik s potrebnim obrascima dostupan je javnosti na web stranici Općine.

Član 24.

(Stupanje na snagu i objava)

Pravilnik stupa na snagu narednog dana od dana objavljivanja na oglasnoj ploči Općine. Stupanjem na snagu ovog Pravilnika prestaje da važi Pravilnik broj: 10-49-1571/14 od 08.07.2014. godine.

Broj: 13-36-75/22

Sarajevo: 22.11.2022



OPĆINSKI NAČELNIK

SRĐAN MANDIĆ

Obrazloženje

I Pravni osnov

- Član 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09);
- Čl. 25. i 69. Statuta Općine Centar Sarajevo – Prečišćen tekst („Službene novine Kantona Sarajevo“, broj 23/04)
- član 15. Zakona o mladima Federacije BiH („Službene novine Federacije BiH“, broj 36/10)

II Razlozi donošenja Pravilnika

Svrha donošenja ovog Pravilnika je sistemsko rješavanje upisa omladinskih udruženja u Spisak omladinskih udruženja, praćenje rada i uključivanje Udruženja u procese donošenja odluka na općinskom nivou te uključivanje Udruženja u rad Vijeća mladih Općine Centar.

III Obrazloženje predloženih izmjena Pravilnika

S obzirom da je bilo više izmjena i dopuna, kao i da se mijenja 50% i više članova osnovnog propisa došlo je do izrade ovog Pravilnika a stupanjem na snagu ovog Pravilnika, prestaje da važi Pravilnik o vođenju spiska omladinskih udruženja na području Općine Centar Sarajevo broj: 10-49-1571/14 od 08.07.2014. godine,.

IV Finansijska sredstva

Sredstva za finansiranje projekata za omladinska udruženja obezbijedit će se svake godine u Budžetu Općine Centar Sarajevu.